

12 AUG 2001

Penerbangan-SEA

DELEGASI PENERBANGAN MUHIBBAH ASEAN 2001 TIBA DI HANOI

Oleh: Rozaini Ahmad

HANOI, 12 Ogos (Bernama) -- Cuaca buruk akibat ribut tropika Usagi yang diramal melanda Vietnam selama 48 jam tidak menghalang pesawat Tentera Udara Diraja Malaysia (TUDM) CN235 tiba dengan selamat di Lapangan Terbang Antarabangsa No-Bai di sini hari ini.

Pesawat yang membawa tujuh krew TUDM, sebahagian peserta Ekspedisi Penerbangan Muhibah Asean 2001 dan lapan wartawan Malaysia tiba di lapangan terbang itu kira-kira pukul 9.30 pagi (waktu tempatan).

Ketibaan pesawat CN235 disambut dengan kalungan bunga oleh wakil Kerajaan Vietnam dan kakitangan Kedutaan Malaysia di Hanoi. Yang turut hadir ialah timbalan presiden Majlis Olimpik Vietnam, Dr Doan Thao.

Sungguhpun cuaca baik sepanjang penerbangan dari Vientiane ke Hanoi, awan tebal masih menyeliputi ruang udara Vietnam akibat ribut Usagi.

Media tempatan di sini melaporkan hanya Da Nang, sebuah kawasan di tengah Vietnam yang terjejas teruk akibat ribut itu semalam, manakala Hanoi mengalami hujan lebat.

Sementara itu, dua pesawat ringan Eksperimental Zodiac Rakan Muda masih berada di Vientiane disebabkan perubahan jadual penerbangan dan laluan akibat daripada ribut tropika Usagi.

Pesawat Zodiac 9M-ERA dan 9M-ERM tidak akan ke Hanoi sebaliknya akan meneruskan penerbangan dari Vientiane ke Phnom Penh, Kemboja, Rabu ini (15 Ogos).

Majlis penyerahan watak jempunan untuk menyertai Sukan SEA XXI kepada Kerajaan Vietnam akan diadakan esok.

Wakil khas kepada Menteri Belia dan Sukan, Abdul Latiff Endot akan menyerahkan watak jempunan itu kepada Menteri Sukan dan Budaya Fizikal Vietnam Nguyen Danh Thai.

Pada sebelah pagi, para peserta Rakan Muda yang menyertai ekspedisi ini akan berdialog bersama Persatuan Belia Vietnam dan kemudian dibawa melawat ke Pusat Penerbangan Awam Vietnam.

Ekspedisi Penerbangan Muhibah Asean 2001 selama 17 hari ke laluan utara membabitkan penerbangan sejauh 4,000 batu nautika melalui Myanmar, Laos, Vietnam, Kemboja dan Thailand.

Ia dilancarkan oleh Perdana Menteri Datuk Seri Dr Mahathir Mohamad di Pangkalan TUDM Sungai Besi 14 Julai lepas.

-- BERNAMA

JAI AFY KHY FAZ